



SLUŽBENE NOVINE

KANTONA SARAJEVO

Godina XXI – Broj 12

Četvrtak, 24. marta 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 63. i člana 65. stav 1. alineja 1. Zakona o zdravstvenoj zaštiti ("Službene novine Federacije BiH", broj 46/10 i 75/13), člana 5. stav 1., člana 23. Odluke o preuzimanju prava i obaveza osnivača i uskladjivanju organizacije i poslovanja Javne ustanove Psihijatrijska bolnica Kantona Sarajevo i ("Službene novine Kantona Sarajevo", broj 72/12) i člana 73. Statuta Javne ustanove Psihijatrijska bolnica Kantona Sarajevo ("Službene novine Kantona Sarajevo", broj 25/14) Upravni odbor Javne ustanove Psihijatrijska bolnica Kantona Sarajevo na redovnoj sjednici, održanoj dana 22.02.2016. godine uz saglasnost Skupštine Kantona Sarajevo ("Službene novine Kantona Sarajevo", broj __), donosi se

ODLUKA¹

O IZMJENAMA I DOPUNAMA STATUTA

JAVNE USTANOVE PSIHIJATRIJSKA BOLNICA KANTONA SARAJEVO

Član 1.

U članu 23. stav (8) Statuta Javne ustanove Psihijatrijska bolnica Kantona Sarajevo ("Službene novine Kantona Sarajevo", broj 25/14) mijenja se i glasi:

"(8) Predsjednik, član odnosno članovi Upravnog odbora Bolnice mogu biti razriješeni i prije isteka mandata na koji su imenovani u sljedećim slučajevima:

- ako se ne pridržava uputa i smjernica Osnivača,
- ako učestvuje u donošenju nezakonitih akata ili odluka kojim se nanosi šteta Bolnici,
- ako podnese ostavku na mjesto predsjednika odnosno člana Upravnog odbora Bolnice,
- ako se utvrdi da je odgovoran za neuspješan i nezakonit rad Bolnice,
- ako Skupština Kantona Sarajevo ne usvoji godišnji izvještaj o radu i finansijskom poslovanju Bolnice,
- ako svojim radom onemogućava ili otežava rad Upravnog odbora Bolnice,

- ako svojim radom onemogućava ili otežava rad Nadzornog odbora Bolnice,
- ako mu prestane radni odnos u Bolnici, a imenovanje za člana Upravnog odbora Bolnice iz reda stručnih radnika Bolnice,
- ako član Upravnog odbora imenovan iz reda stručnih radnika Bolnice učini težu povredu radne dužnosti,
- imenovanjem za direktora zdravstvene ustanove koja ima status pravne osobe,
- neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih šest (6) mjeseci,
- ako bude uposlen na drugoj izabranoj poziciji koja može uticati na eventualni sukob interesa i
- smrću."

Član 2.

U članu 27. stav (5) Statuta mijenja se i glasi:

"(5) Direktor Bolnice ima sva ovlaštenja u pravnom prometu u okviru djelatnosti Bolnice upisane u sudski registar, uz ograničenja utvrđena ovim Statutom:

- Direktor Bolnice raspolaže finansijskim sredstvima utvrđenim Finansijskim planom Bolnice usvojenim od strane Upravnog odbora na koji saglasnost daje Osnivač.
- Direktor Bolnice, u skladu sa Finansijskim planom Bolnice i Planom nabavki Bolnice, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM.
- Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, Direktor bolnice je potrebna prethodna saglasnost Upravnog odbora Bolnice.
- Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, direktor Bolnice odlučuje u skladu sa Finansijskim planom Bolnice, Pravilnikom o

¹ Odluka o davanju saglasnosti na Odluku o izmjenama i dopunama Statuta JU Psihijatrijska bolnica Kantona Sarajevo objavljena u "Službenim novinama Kantona Sarajevo", broj 10/16, te da je Odluka o izmjenama i dopunama Statuta JU Psihijatrijska bolnica Kantona Sarajevo sastavni dio ove Odluke.

radu Bolnice i drugi opći aktima kojima su regulisana prava iz radnog odnosa.

- e) Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, direktor Bolnice može samostalno odlučivati za svaki pojedinačni vid izdataka, u iznosu do 5.000 KM, a za iznose preko 5.000 KM potrebna mu je prethodna saglasnost Upravnog odbora Bolnice, u skladu sa Finansijskim planom Bolnice, Pravilnikom o radu Bolnice i drugim općim aktima kojima je regulisano naprijed navedeno".

Član 3.

U članu 29. tačka d) mijenja se i glasi:

- "d) da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta".

Član 4.

U članu 29. iza tačke f) dodaje se nova tačka g) koja glasi:

- "g) Kandidat koji bude izabran na poziciju direktora Bolnice, a koji je znanje o zdravstvenom menadžmentu, u konkursnoj proceduri, dokazivao certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku od 24 mjeseca, računajući od dana imenovanja na poziciju direktora Bolnice, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta."

Ukoliko zatečeni direktor Bolnice znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta - operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerenja, koje mora ispuniti osoba koja konkuriše za direktora zdravstvene ustanove, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta odnosno završiti postdiplomski studij iz zdravstvenog menadžmenta".

Član 5.

U članu 37. u stavu 3. iza tačke h) dodaje se nova tačka i) koja glasi:

- "i) Skupština Kantona Sarajevo ne usvoji godišnji izvještaj o radu i finansijskom poslovanju".

Briše se stav (6) člana 37. Statuta.

Član 6.

U članu 39. Statuta dodaju se novi stav 2) i stav 3) koji glase:

"(2) Predsjednik, član odnosno članovi Nadzornog odbora Bolnice mogu biti razriješeni i prije isteka mandata na koji su imenovani u slijedećim slučajevima:

- ako se ne pridržava uputa i smjernica Osnivača,
- ako učestvuje u donošenju nezakonitih akata ili odluka kojim se nanosi šteta Bolnici,
- ako podnese ostavku na mjesto predsjednika odnosno člana Nadzornog odbora Bolnice,
- ako se utvrdi da je odgovoran za neuspješan i nezakonit rad Bolnice,

- ako Skupština Kantona Sarajevo ne usvoji godišnji izvještaj o radu i finansijskom poslovanju Bolnice,
- ako svojim radom onemogućava ili otežava rad Nadzornog odbora Bolnice,
- ako mu prestane radni odnos u Bolnici, a imenovan je za člana Nadzornog odbora Bolnice iz reda stručnih radnika Bolnice,
- ako član Nadzornog odbora imenovan iz reda stručnih radnika Bolnice učini težu povredu radne dužnosti,
- imenovanjem za direktora zdravstvene ustanove koja ima status pravne osobe,
- neopravdanim izostankom sa dvije ili više sjednica Nadzornog odbora uzastopno ili sa više sjednica u toku uzastopnih šest (6) mjeseci,
- ako bude uposlen na drugoj izabranoj poziciji koja može utjecati na eventualni sukob interesa i

1) smrću.
(3) U slučaju da dođe do prijevremenog razrješenja predsjednika, člana odnosno članova Nadzornog odbora, Vlada Kantona Sarajevo će istovremeno imenovati v.d. članove Nadzornog odbora, do okončanja procedure konačnog imenovanja."

Član 7.

Odluka stupa na snagu danom dobivanja saglasnosti od strane Skupštine Kantona Sarajevo".

Broj 02-4-536-2/16
22. februara 2016. godine
Sarajevo

v. d. Predsjednica
Upravnog odbora
Mag. oec. **Aida Sadagić**, s. r.

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 91. Zakona o osnovnom odgoju i obrazovanju ("Službene novine Kantona Sarajevo", broj 10/04, 21/06, 26/08, 31/11 i 15/13), Vlada Kantona Sarajevo, na 36. sjednici održanoj 17.03.2016. godine, donijela je

ODLUKU

O DAVANJU SAGLASNOSTI ZA IMENOVANJE DIREKTORA JAVNE USTANOVE "DESETA OSNOVNA ŠKOLA" ILIDŽA

I

Daje se saglasnost Školskom odboru Javne ustanove "Deseta osnovna škola" Ilidža da se Refik Dacić, profesor razredne nastave imenuje za direktora Škole.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-8673-10/16
17. marta 2016. godine
Sarajevo

Premijer
Elmedin Konaković

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 29. stav 2. Zakona o ustanovama ("Službeni list R BiH", br. 6/92, 8/93 i 13/94) i člana 138. Zakona o srednjem obrazovanju ("Službene novine Kantona Sarajevo", broj 23/10 i 1/16), Vlada Kantona Sarajevo, na 36. sjednici održanoj 17.03.2016. godine, donijela je